

ХФР

1918-yil
21-iyundan chiqqan
boshlagan

№38, 2022-yil
21-sentabr,
chorshanba (32.732)

O'zbekiston O'VOZI

Ijtimoiy-siyosiy gazeta

Barchaga g'amxo'rlik — davlatning burchi

ЎЗБЕКИСТОН ВА ТОЖИКИСТОН ПРЕЗИДЕНТЛАРИ ИККИ ТОМОНЛАМА ВА МИНТАҚА КУН ТАРТИБИДАГИ ДОЛЗАРБ МАСАЛАЛАРНИ МУҲОКАМА ҚИЛДИЛАР

Ўзбекистон Республикаси Президенти Шавкат Мирзиёев 20 сентябрь кuni Тожикистон Республикаси Президенти Эмомали Раҳмон билан телефон орқали мулоқот қилди.

Икки мамлакат етакчилари яқинда Тожикистон – Қирғизистон чегарасида рўй берган фожиали воқеалар билан боғлиқ масалаларни муҳокама қилдилар. Давлатимиз раҳбари инсонлар қурбон бўлгани муносабати билан чуқур ҳамдардлик билдирди. Вазиятни нормаллаштириш юзасидан келишувга эришилгани мамнуният билан қайд этилди.

Шанхай ҳамкорлик ташкилоти Самарқанд саммитининг асосий яқунлари ва унинг доирасида ўтказилган икки томонлама учрашув юзасидан фикр алмашилди.

Олий даражадаги тадбирлар давомида қабул қилинган, энг аввало, энергетика, sanoat, қишлоқ хўжалиги ва бошқа тармоқларда кооперация лойиҳаларини тайёрлашни тезлаштириш ва илгари суриш бўйича қарорларни тез фурсатда амалга ошириш муҳимлиги таъкидланди.

ЎзА.

ЎЗБЕКИСТОН ВА ҚИРҒИЗИСТОН ЕТАКЧИЛАРИ БЎЛАЖАК ТАДБИРЛАР РЕЖАСИНИ КЎРИБ ЧИҚДИЛАР

20 сентябрь кuni Ўзбекистон Республикаси Президенти Шавкат Мирзиёев ва Қирғиз Республикаси Президенти Саидир Жапаровнинг телефон орқали мулоқоти бўлиб ўтди.

Давлат раҳбарлари Қирғизистон – Тожикистон чегарасида яқинда юз берган фожиали воқеалар юзасидан фикр алмашдилар. Президентимиз қурбон бўлганларнинг оилалари ва яқинларига чуқур ҳамдардлик билдирди ҳамда вазиятнинг авж олишини тўхтатиш бўйича икки томонлама келишувларга эришилганини чин дилдан олқишлади.

Ўзбекистон ва Қирғизистон етакчилари Шанхай ҳамкорлик ташкилоти доирасида ўтказилган тадбирларнинг сермахсул яқунларини муҳокама қилдилар.

Устувор йўналишлардаги кооперация лойиҳалари бўйича келишувларни рўйбга чиқариш, шу жумладан, “Хитой – Қирғизистон – Ўзбекистон” темир йўлини қуриш лойиҳасини илгари суриш муҳимлиги алоҳида таъкидланди.

Бўлажак олий даражадаги, минтақавий тузилмалар доирасидаги учрашувларга тайёргарликнинг бориши ҳам кўриб чиқилди.

ЎзА.

Tahliliy sayt tarqatgan ma'lumotlariga ko'ra,
Telegram messengerida SHHTning Samarqand
sammiti 1.09.2022 dan 18.09.2022-yilgacha
soat 20:18 holatiga ko'ra:

51 670 6 ta tilda
51 670 ta maqola

340 217 497 Qamrovi

6 ta mamlakat

tgstat.ru

Шанхай ҳамкорлик ташкилоти Самарқанд саммитига оид материаллар телеграмм каналларида 340 миллион марта кўрилган

15-16 сентябрь кунлари Самарқандда бўлиб ўтган Шанхай ҳамкорлик ташкилоти Давлат раҳбарлари кенгазининг навбатдаги мажлиси ОАВ ва ижтимоий тармоқ фойдаланувчиларида катта қизиқиш уйғотди. Биргина телеграмм каналларида ушбу мавзуга оид материаллар 340 миллион марта кўрилган.

Бу ҳақда душанба кuni Ўзбекистон Ташқи ишлар вазирлигининг расмий вакили Юсуф Қобилжонов маълум қилди.

– Telegram каналларида ШХТнинг Самарқанд саммити 340 миллион марта кўрилган ва 51 минг марта қайд этилган, – деди Ю.Қобилжонов.

ИСЛОҲОТЛАРНИНГ КЕЙИНГИ БОСҚИЧИ БЎЙИЧА ВАЗИФАЛАР КЎРСАТИБ ЎТИЛДИ

Президент Шавкат Мирзиёев 20 сентябрь кuni ислохотларни янада жадаллаштириш ва натижадорлигини таъминлаш масалалари бўйича йиғилиш ўтказди.

Халқимизга яхши маълумки, охириги йиллар мамлакатимизда туб ислохотлар даври бўлди. Кўплаб соҳаларда биринчи навбатдаги муаммолар ҳал этилди.

Хусусан, чет эл валютасининг эркин конвертацияси йўлга қўйилди. Солиқ тизими ислох қилиниб, солиқлар сони камайtirилди. Тадбиркорлик учун имконият кенгайтирилди. Божхона тартиблари соддалаштирилди. Барча соҳаларда ахборот технологиялари жорий этилмоқда. Қишлоқ хўжалигида бозор механизмларига ўтиляпти. Мажбурий ва болалар меҳнатига чек қўйилди.

Худудларни ривожлантириш, ижтимоий масалаларни ҳал этиш бўйича ҳам янги тизимлар жорий қилинди. Таълим ва тиббиётда сифатни ошириш чоралари кўрилмоқда. Умуман, бугунги кунда 100 дан ортиқ соҳа ва йўналишларда ислохотлар амалга оширилмоқда.

Эндиликда, жаҳондаги тез ўзгарувчан сиёсий-иқтисодий вазиятни инобатга олган ҳолда, барқарор ўсишни давом эттириш, аҳолининг яшаш тарзи ва турмуш шароитларини янада яхшилаш мақсадида ислохотларнинг кейинги босқичини амалга ошириш зарур. Энг асосийси, бу ислохотларни шошмасдан, мантиқий кетма-кетликда ва тизимли қилиш керак.

Шу мақсадда, давлатимиз раҳбарининг 9 сентябрдаги фармони билан Ўзбекистон Республикаси Президенти ҳузуридаги Стратегик ислохотлар агентлиги ташкил этилди.

Йиғилишда мазкур Агентлик фаолиятини йўлга қўйиш масалалари муҳокама қилиниб, устувор йўналишлар кўрсатиб ўтилди.

– Ислохотлар натижасида ижобий ўз-

гариш бўлиши, одамлар буни ўз ҳаётида сезиши керак. Агентлик бунинг учун устувор ислохотларни аниқлайдиган, уларни ўзаро мувофиқлаштирадиган ва натижадорлигини таъминлайдиган тузилмага айланиши лозим, – деди Президент.

Йиғилишда шу борадаги асосий вазифаларга тўхталиб ўтилди. Алоҳида соҳа ва тармоқларни ислох қилиш бўйича таклифлар ишлаб чиқиш, ислохотларнинг устуворлиги ва мантиқий кетма-кетлигини белгилаш, давлат дастурлари ижросини мониторинг қилиш, тизимли муаммоларни аниқлаш ва тегишли чоралар кўриш шундай муҳим вазифалардандир.

Масалан, таҳлиллар қишлоқ ва сув хўжалиги, ер муносабатлари, иқтисодиётда давлат улушини қисқартириш, транспорт, коммунал хўжалиги, тиббиёт каби соҳаларда қўйилган мақсадларга эришилганини кўрсатмоқда. Стратегик ислохотлар агентлиги бундай муаммоларни танқидий таҳлил қилиб, ишни жадаллаштириш бўйича аниқ чора-тадбирларни белгилайди.

Иш ўринлари кўпайиши ва аҳоли даромадлари ўсиши учун иқтисодиётнинг устувор тармоқларини аниқлаш ҳам жуда муҳим.

Шу боис давлатимиз раҳбари аҳолининг барча қатламларига ижобий таъсир қиладиган ислохотларни аниқлаб, “йўл харитаси” ишлаб чиқиш бўйича кўрсатма берди. Бунда аҳолидан энг кўп мурожаат бўлаётган соҳаларга эътибор қаратиш, улар бўйича нимага эришилиши ва халқ нима манфаат кўришини аниқ кўрсатиш зарурлигини таъкидлади.

Устувор соҳаларни ислох қилиш ва мувофиқлаштириш бўйича вазирлик ва идораларнинг малакали мутахассислари ҳамда халқаро экспертлардан иборат Лойиҳа гуруҳларини шакллантириш вазифаси қўйилди.

ЎзА.

ЎЗБЕКИСТОНДА ИСЛОҲОТЛАР ДАСТУРИ МУҲОКАМА ҚИЛИНДИ

Ўзбекистон Республикаси Президенти Шавкат Мирзиёев 20 сентябрь кuni ўзининг иқтисодий тараққиёт, самарали бошқарув ва халқаро ҳамкорлик масалалари бўйича маслаҳатчиси Сума Чакрабартини қабул қилди.

Учрашувда мамлакатимиздаги иқтисодиёт ва бошқарувни ислох қилиш доирасида эришилган натижалар ва бу борадаги келгуси режалар кўриб чиқилди.

Маслаҳатчи Чакрабарти Ўзбекистон етакчисини Шанхай ҳамкорлик ташкилотининг Самарқанд саммити муваффақиятли ўтказилгани билан табриқлаб, Президентимиз томонидан илгари сурилган Умумий хавфсизлик ва фаровонлик йўлида Самарқанд бирдамлиги ташаббусини юксак баҳолади.

Давлатимиз раҳбари устувор йўналишлардаги янгиланишларни биргаликда пухта тайёрлаш ва кейинчалик амалга ошириш жараёнини давом эттириш зарурлигини таъкидлади. Иқтисодиётнинг муҳим тармоқларини модернизация қилиш ва рақобатбардошлигини ошириш, давлат бошқарувини трансформация қилиш ва самарадорлигини кучайтириш, жамият ҳаётининг барча жабҳаларини рақамлаштириш, қулай инвестицион ва ишбилармонлик муҳитини яратиш, янги қадрларни тайёрлаш шулар жумласидан.

Сума Чакрабарти ушбу масалаларда Ўзбекистон Ҳукуматида бундан бунён ҳам фаол кўмаклашишга тайёрлигини билдирди.

Эслатиб ўтамиз, Сума Чакрабарти Ўзбекистон Президентининг маслаҳатчиси этиб тайинланишидан аввал саккиз йил давомида Европа тикланиш ва тараққиёт банки президенти лавозимида фаолият юритган.

ЎзА.

ДУНЁ НИГОҲИДАГИ САММИТ



15-16 СЕНТЯБРЬ КУНЛАРИ САМАРҚАНД ШАҲРИДА БЎЛИБ ЎТГАН ШАНХАЙ ҲАМКОРЛИК ТАШКИЛОТИ САММИТИ ТАРИХИЙ ВОҚЕАЛАРГА БОЙ БЎЛДИ. МИНТАҚАГИНА ЭМАС, БУТУН ДУНЁ УЧУН МУҲИМ ҚАРОРЛАР ҚАБУЛ ҚИЛИНДИ. ХАЛҚ ДЕМОКРАТИК ПАРТИЯСИНИНГ ОЛИЙ МАЖЛИС ҚОНУНЧИЛИК ПА-

ЛАТАСИДАГИ ФРАКЦИЯСИ АЪЗОЛАРИ САММИТНИНГ АҲАМИЯТИ, ЎЗБЕКИСТОН ТОМОНИДАН ИЛГАРИ СУРИЛГАН ТАКЛИФ ВА ТАШАББУСЛАР ҲАҚИДА ЎЗ ФИКР-МУЛОҲАЗАЛАРИНИ БИЛДИРДИ.

2-3




Саммит дунё ОАВ нигоҳида

Самарқанд шаҳрида 15-16 сентябрь кунлари ўтказилган ШХТ саммити бутун дунёдаги етакчи оммавий ахборот воситаларида фаол ёритилди.




FORBES
Forbes нашрида 16 сентябрь куни саммит ҳақида катта таҳлилий мақола чоп этилди. Унда Ўзбекистон Президенти Шавкат Мирзиёев 12 сентябрь куни ШХТга аъзо мамлакатларнинг кўплаб газеталарида, жумладан, The Times of India газетасида чоп этилган махсус мақоласига алоҳида эътибор қаратилди.

ШХТ Евроосиёдаги энг йирик иқтисодий ҳамкорлик институти экани, у ўз аъзолари учун савдо-иқтисодий ҳамкорликни рағбатлантириши, шунингдек, уларни йирик бозорлар - АҚШ ва Европа билан боғлаши таъкидланган.
Шуниси эътиборга лойиқки, баъзи йирик ривожланиш лойиҳалари темир йўллاردир. Бу кўпинча Хитой ва охири-оқибат Марказий Осиё товарларини Европага олиб чиқиш йўли сифатида қаралади.
ШХТ давом этмоқда. Бу қандайдир эркин савдо кўргазмаси эмас, Марказий Осиё ўз тарафини танлаётганининг белгиси ҳам эмас, дейилади нашр мақоласида.
Президентимизнинг "Айнан инқироз даврида барча давлатлар, хоҳ улар катта, хоҳ ўрта, хоҳ кичик бўлсин, ўзларининг тор манфаатларини четга суриб, ўзаро ҳамкорликка эътибор қаратиши, бирлашиши ва умумий савий-ҳаракатларини ошириши керак", деган фикри алоҳида қайд этилган. Шунингдек, нашр Ўзбекистоннинг ривожланиш кўрсаткичлари ўсиб бораётганига ҳам ургу берган.



THE ECONOMIC TIMES
Ушбу нашр ШХТ 2022 саммити бўлиб ўтган Самарқанд нисаси билан машҳурлиги ҳақидаги тафсилотларга тўхталган. Самарқанд номи Сўғд цивилизациясидан олинган бўлиб, "Самар" тош, "қанд" эса қалъа, деган маънони англатади. Демак, Самарқанд тош ёки тошдан иборат шаҳар ёки қалъа деган маънони англатади. Самарқанд шаҳри Марказий Осиёни қамраб олган табиий бойликлар омборидир.
Самарқанд қадимдан қасри, мустаҳкам мудофааси, ҳунармандчилиги билан машҳур. Ҳатто бугунги куннинг асосий тармоқлари ипак тўқиш ва тўқимачилик ишлаб чиқаришдир.
ЮНЕСКО мақоласида таъкидланганидек, кўҳна Самарқанд шаҳри дин ва маданият машаққатларидан ўтаётганга ўхшайди. Самарқанднинг шимоли-шарқда жойлашган Афросиёб археологик мажмуасида кўплаб тарихий далиллар мавжуд, дейилади нашр мақоласида.



CHINA DAILY
Самарқандда ШХТ саммити: кун тартибида нималар бор? Пайшанба куни Самарқанд шаҳрида Шанхай ҳамкорлик ташкилоти (ШХТ) Давлат раҳбарлари кенгашининг 22-мажлиси бўлиб ўтади.
2001 йилда ташкил этилганидан буён саккизта тўлиқ аъзо, тўртта қузатувчи давлат ва кўплаб мулоқот бўйича ҳамкорларга эга ШХТ нафақат глобал тинчлик ва тараққиётнинг мустаҳкам таянчига, балки халқаро тенглик ва адолатни таъминловчи асосий кучга айланди.
Ўтган йили ШХТ Эронни тўлақонли аъзо давлат сифатида қабул қилиш тартиб-таомилларини бошлаган эди. Бундан ташқари, Саудия Арабистони, Миср ва Қатарга мулоқот бўйича ҳамкор макомини берди.
Шанхай ҳамкорлик ташкилоти дунёдаги энг йирик ва аҳоли сони бўйича минтақавий институтга айланди ва у халқаро муносабатларнинг янги турини ва инсоният келажаги умумий бўлган ҳамжамиятни барпо этиш мақсадида назарий ва амалий қадамлар билан янги заминларни ўрганишга интилди.



DIPLOMAT
Бельгиянинг Diplomat журнали Самарқандда бўлиб ўтган ШХТ саммитида ҳақида мақола эълон қилди. Мақолада "Самарқанд ташаббуси" нафақат ШХТга аъзо давлатлар, шу билан бирга, тобора бир-бирига қарама-қарши бўлиб бораётган икки дунё – Евроосиё ва Ғарб дунёси учун яқинлашув имкониятини бергани учун Европага ҳам тегишлилиги айтилган.
Шунингдек, Ўзбекистон аллақачон давлатлараро, минтақалараро ва глобал муаммоларни ҳал этишда турли геосиёсий қараш ва манфаатларга эга давлатлар бирлашадиган самарали платформага айлангани, "Самарқанд ташаббуси"ни амалга ошириш учун Ўзбекистондан яхшироқ жой йўқлиги ҳам таъкидланган.
Саммитда имзоланган Самарқанд декларацияси нафақат ШХТ, балки бутун Евроосиё китъаси учун ҳам янги даврни бошлаб бериши, шунингдек, Ўзбекистон Президенти Шавкат Мирзиёев томонидан илгари сурилган умумий хавфсизлик ва фаровонлик йўлидаги Самарқанд бирдамлик ташаббуси инқилобий ғоя экани алоҳида қайд этилган.

“Ўзбекистон овози” муҳбири
Аҳмад ҚУРБОНОВ тайёрлади.

ҚУЛАЙЛИК



УЗУНЛИГИ – 253, ЭНИ – 18 МЕТР-ЛИ МАҲОБАТЛИ КЎПРИК

Инсон қадрини улуғлаш ва фаол маҳалла йили муносабати билан Шўрчи туманида янги кўприк фойдаланишга топширилди. “Сурхон” дарёси устидан ўтган мазкур иншоотнинг узунлиги 253, эни эса 18 метрни ташкил қилади. Пиёдалар учун махсус йўлақлар барпо қилинган. Тунги вақтга мўлжалланган 14 та қуёш панелли ускуна ишлаб турибди. Икки тасмали автомобиль йўлида бир кунда 10 мингдан ортиқ транспорт воситаси ҳаракат қилмоқда.
– Ушбу сув ўтказгич ўтган асрнинг 60-йилларида қурилган бўлиб, бугунги кун талабига жавоб беролмай қолгани, – дейди Шўрчи туман ҳокимлиги ахборот хизмати раҳбари Ниғина Шоева. – Қурилиш ва бунёдкорлик ишларига 27 миллиард 905 миллион сўмдан ортиқ маблағ сарфланди. Замонавий иншоот ўз маҳобати ҳамда қулайлиги билан ажралиб туради. Унинг иш бошлагани “Эзгулик”, “Озод”, “Хушчекка”, “Лайлакхона” ва “Тамшўш” маҳаллаларида яшовчи 25 мингга яқин аҳоли учун ўзига хос шодиёнага айланди. Шу билан бир қаторда, Қумқўрғон, Денов ва Узун туманларида истиқомат қилувчи минглаб юртдошларимиз ҳам узоғи яқин, мушқули осон бўлганидан хурсанд.

Абдумалик ҲАЙДАРОВ,
“Ўзбекистон овози” муҳбири.

ГИМНАСТИКАЧИЛАРИМИЗ КУЧЛИ ЕТТИЛИҚДА



Бадий гимнастика бўйича Болгарияда яқунланган жаҳон чемпионати мамлакатимиз спортчилари учун муваффақиятли ўтди.
Энг аввало, терма жамоамиз аъзолари яккаликда келгуси йили "Париж-2024" олимпиадаси йўлланмалари ўйналадиган жаҳон биринчилиги учун иккита имкониятли баҳсларда қатнашиш ҳуқуқига эга чиқди. Шунингдек, кучли жамоалар орасида ўтадиган гуруҳ мусобақаларида қатнашиш имкониятига эга бўлди.
Бу галги чемпионат мусобақаларида Ўзбекистон гимнастикачилари умум жамоада 7-ўринни эгаллади.
Эслайтиб ўтамиз, жаҳон чемпионатида 60 дан зиёд давлат вакиллари иштирок этди.

Т.РЎЗИЕВ,
ЎЗА.

Тошкент солиқ коллежи томонидан 2020 йилда Аҳмедов Хожиакбар Умрзоқ ўғли номига берилган К № 5966902 рақамли диплом иловаси йўқолгани сабабли

БЕКОР ҚИЛИНАДИ.

Тошкент темир йўллари транспорти билимгоҳи (ҳозирги Тошкент давлат транспорт университети) томонидан 1995 йилда Мейлиева Бахринисо Суюновна номига берилган 057508 рақамли диплом йўқолгани сабабли

БЕКОР ҚИЛИНАДИ.

Тошкент молия институти қошидаги 2-сон академик лицейи томонидан 2012 йилда Нуралиев Рустам Уйғун ўғли номига берилган L № 152574 рақамли диплом йўқолгани сабабли

БЕКОР ҚИЛИНАДИ.



ГРИНВИЧ РАСАДҲОНАСИ "ASTRONOMY PHOTOGRAPHER OF THE YEAR 2022" ҒОЛИБЛАРИНИ ЭЪЛОН ҚИЛДИ

67 мамлакат вакиллари олган 3000 дан ортиқ расмлар кўриб чиқилди. 2021 йилда кашф этилган Леонард кометасининг Жеральд Реманн томонидан олинган сурат ғолиб бўлди.

MUASSIS:

O'ZBEKISTON XALQ DEMOKRATIK PARTIYASI MARKAZIY KENGASHI

O'zbekiston ovozi

TAHRIR HAY'ATI:

Ulug'bek INOVATOV Muslihidin MUHIDDINOV
Ulug'bek VAFOYEV Hayotxon ORTIQBOYEVA
Maqsuda VORISOVA Shuhrat ISLOMOV
Qalandar ABDURAHMONOV Toshtemir XUDYOQULOV
Guliston ANNAQILICHEVA

Bosh muharrir: To'liqin TO'RAXONOV

MANZILIMIZ: 100135, Toshkent, Bunyodkor shoh ko'chasi, 50 «A»-uy.

Telefonlar: (71) 276-10-91, (71) 276-20-67.

E-mail: uzbovozi@mail.ru

«Sharq» nashriyot-matbaa aksiyadorlik kompaniyasi bosmaxonasida chop etildi.
Korxonaning manzili: Buyuk Turon ko'chasi, 41-uy.
Gazeta ofset usulida, A-2 formatida bosildi. Hajmi — 4 bosma taboq.

Gazeta O'zbekiston Matbuot va axborot agentligida 0006-raqam bilan 2007-yil 11-yanvarda ro'yxatga olingan.

Navbatchi: **Ravshan SHODIYEV**
Sahifalovchi: **Bezod ABDUNAZAROV**

Г — 941. 1850 nusxada bosildi. O'za yakuni —
Nashr ko'rsatkichi — 220. Topshirilgan vaqti — 23:55

t — Tijorat materiallari 1 2 3 4 5 6

Sotuvda kelishilgan narxda

Gazeta haftaning chorshanba kuni chiqadi. «O'zbekiston ovozi» materiallarini ko'chirib bosish faqat tahririyat ruxsati bilan amalga oshiriladi.